

明世宗實錄

卷三六七至四二七
嘉靖二十九年十一月至
三十四年十月

大明世宗肅皇帝實錄卷之三

百六十七

嘉靖二十九年十一月庚寅朔命署都督僉事成勳孫甫高

東元种繼各充京營副將署都指揮僉事洵希臯許策王玉集

繼文趙承懋滿鎮趙應龍氏黃恩樂擊劉東中趙卿吳尚賢伯

昂張世武田震王三錫茂鎮劉芳施寬孫承宗署都督僉事劉

鼎雲冒原任延綏總兵王輔原任蘇州總兵周徹原任涼州副

總兵蕭漢允恭珩勲吳希臯策王繼文承懋蕭鎮應氏五軍營

東元恩擊東中卿尚賢漢神樞營繼品世武震三錫茂鎮芳神

機營禹首寬承宗輔徹疎勇營直隸巡按御史胡宗憲條陳

邊務六事一革占役一重前鎮一處募兵一助軍需一廣問謀

一信賞罰其廣問謀謂近來問謀惟大同二邊外備各所常駐

牧凡百向往可得其真宣府邊外犯都兒一枝不過海峽部落

勳止非可自由故哨探僅得其似而已若蘇州則隔絕三衛諸夷率皆渴順陰逆豈肯吐露其實以示我此所謂因魔門疾者也故論者謂大同之謀得虜情宣府之謀得虜形蘇州則徧其形不得矣請行宣前鎮巨務精選哨探之卒有功比大同並伏勝例陞賞在蘇州尤宜羈縻庶諸夷結以厚賞使得虜要領以報中國其信賞罰謂專上首功乃自古契法近雖行尚書毛伯溫之議別開衝鋒破敵一科專主臨陣不論首功然積習相沿牢不可破獲功者竟以自組為左春紀錄者故以得級准賞豈問有以衝鋒破敵陞賞者及子孫襲替又貴其原非首功而爵以故人心不信臨陣之際或喘中一賊則羣聚爭取自相蹂踐敵因而乘之鮮不潰敗者請命兵部申明前議陞賞務在臨陣為上斬首次之退縮者有罰爭功者有罰或零騎相伍仍論首功

庶大虜可摧而士氣振矣章下兵部覆可報如議○辛卯以順天府順義懷柔平谷諸縣被虜獨塔訖顯糧差有差○壬辰調巡撫山東都察院右副御史孫世祐總理糧儲兼巡撫應天陞遼陽副總兵李涑為署都督僉事充鎮守山西等處總兵官○癸巳遣御史魏謙吉劉廷儀蕭端蒙姜廷頤往各邊選軍入衛謙吉甘肅廷儀寧夏端蒙廷駿廷頤宣大初咸寧侯薦與兵部爭議選兵事部臣以上意向驚不得已從之乃再覆揚先議請分遣抽丁大臣與選軍御史同出每選軍一人即以抽丁一人補之務足遣兵原額上命即委各鎮撫官自行抽補大臣不必道○甲午冬至大祀天子遣定國公徐廷德長寧伯周大經玉田伯蔣榮武定侯郭守乾分祭八陵都督僉事王朝用祭景皇帝及哀冲

莊敬二太子都督僉事沈奎祭 孝潔皇后各陵墳 增設
通州守將以宣府南路恭將素正充副總兵官分守○乙未
上不御殿文武羣臣等俱於奉天門行五拜三叩頭禮 禮部
上奏 桃 仁宗昭皇帝儀先三日太常寺奏齋戒先一日欽命
大臣二員以奉桃 仁宗昭皇帝告于 太廟 桃廟行禮如
常儀至日早太常寺設牲醴于 太廟設脯醢酒果于 桃廟
遣官詣 太廟行奉桃禮如時享儀文武皇親等官例該祭祀
者照例陪祭祭畢捧主內外官各祭服恭捧 仁宗昭皇帝主
昭皇后主詣 桃廟第五室前后台常寺官同神宮監官遷
衣冠床帳儀物等項照舊安奉訖奉 主安于室叩頭巡遣官
仍祭服行祭告礼如常儀畢遣官出太常寺官同神宮監官送
奉 宣宗章皇帝 英宗睿皇帝 憲宗純皇帝 孝宗敬皇

帝 睿宗獻皇帝 武宗毅皇帝 逸逸于第三第四第五第六
第七第八室設帳于第九室之前奉 孝烈皇后神主衣冠暫
安帳內俟吉升附其前殿原設 仁宗御座收貯于神庫俟祫
祭日陳設一是日 奉先殿內侍官奉遷 仁宗昭皇帝神位
昭皇帝神位于藏 德 懿 熙 仁四祖神位之所依次
恭戴其衣冠牀幔儀物等項宜收貯于神庫收貯宜焚化者于
潔地焚化 宣宗章皇帝以下神位依次遞遷一遇祫祭奉
仁宗昭皇帝同 德 懿 熙 仁四祖于 太廟享祀座仍
設于西第一位 孝烈皇后升附並奉安神位儀先期內府
設衙門恭制 奉先殿 孝烈皇后神位并 廟殿合用神座
儀物等項先期內閣于文華殿恭視中書官書寫 孝烈皇后
神位訖內府設衙門恭捧于武英殿裝設完備俟吉奉安先期

太常寺奏齋戒三日先一日欽命大且一員以升褥 孝烈皇
后告于 太廟內府該衙門設 孝烈皇后神座儀物于 太
廟殿并 奉先殿俱第九室至日早太常寺設牲醴于 太廟
設 孝烈皇后神座于西第四位設脯醢酒果於 奉先殿內
府該衙門設彩亭于武英殿上正中以侯捧主內侍官具祭服
恭捧 孝烈皇后神主奉安于室叩頭訖遣官行祭禮如時享
儀文武皇親等官例該陪祀者照例陪祭祭畢遣官并捧神位
官仍祭服詣武英殿門外捧神位先引入殿上恭捧 孝烈皇
后神位詣 奉先殿奉安遣官俯伏興內侍官舉亭由武英殿
中門出擎執轎扇如儀遣官并捧神位官隨後至 奉先殿門
外亭上捧神位官恭捧 神位由左門奉安入于室叩頭訖遣
官行祭告禮如常儀 太廟并 奉先殿 孝烈皇后前止設

儀品祝不及以徵時享祫祭皆同惟 奉先殿忌祭用祝其時
享設座與各儀同祫祭座設于東第五位一行部從之○丁酉
詔復選遼東固原保定漢達官軍入衛遼東三千人以宣府
副總兵劉大章領之固原三千人以原任延綏總兵具瑛領之
保定六千人以原任宣府恭將劉環遊擊曹鎮領之從咸寧侯
鵠再請也○戊戌改提督蘇州軍務兵部右侍郎孫澹以原官
掌通政使司事起原任都察院右副都御史何棟代之 兵部
覆職方司郎中尹耕奏戰守大計八事一宣府西路遺牆三百
餘里請議增飭一蘇州舊遺止是堵口虜登高俯瞰則仰攻為
難宜相度險阨務令左右無阜可以瞰我乃善又潮河川無牆
可守故虜得乘之而入宜夾河為牆數里河中石灘沙淺之處
量設墩臺數所一分遣以定守請以蘇宣二鎮十二百里之遺

酌量險要分爲數區區設恭將一員兩區設文目一員令其經畫修築事竣即以防守彼知工必已督則經畫必善知邊即已守則修築必固一節勞以養銳請令守邊之兵無事則歸堡休息以逸待勞有事乃登牆盡力拒戰仍嚴哨探之賞罰一清查直隸達舍及民間壯勇調赴京北山東搶手調赴通州一請以各處人馬預定酌東分地據渡遇虜入逆戰一嚴立軍法主將戰沒坐營犯總官斬把總戰沒管隊官斬管隊官戰沒全隊俱以軍法痛決一設險清野使虜入無所利俱先行 以大同西路恭將岳懋允分守遼陽副總兵官口己亥陞南京太僕寺卿趙汝濂爲南京都察院右副都御史協管院事改工部右侍郎傅鳳翔爲戶部右侍郎 陞兵部左侍郎王邦瑞爲本部尚書時召起翁萬達于制中且二月餘萬達家海南以道遠未至

上達之屢以為問大學士嚴嵩奏庸患在肘腋諸臣觀望恐非
君命召不踐厲之義上深然之曰古語忠則盡命又豈踐厲
耶萬達不來不必待即以邦瑞代之廷目中有才望者疏名以
聞加各營戰馬各春草料折銀草月折三錢料折五錢如巡
捕官馬之例從仇鸞奏也以突傷免浙江金華衢州台州溫
州四府秋糧有差神機營坐營寧陽侯陳睦祖辭免營務許
之雲南元江軍民府土舍那鑑殺土官知府那憲擅府事悞
朝廷見討密約交夷武文淵謀亂撫按官胡奎林應箕總兵沐
朝弼以聞因請用副使李維恭政胡堯時督兵勦之改設流官
知府以弭後患章下兵部復請令奎等調集土漢官軍相機征
勦雖堯時聽便宜委用仍懸賞格購鎔等請首惡宥其協從者
餘俟事序議處制可兵部議上征庸方畧一清查各遺兵馬

有老弱缺伍及倒死者設法補足以聽調遣一虜中雖僥倖最
強宣大二鎮乃其駐牧之所請自大同平虜并坪而采宣府中
路陟臺子而西及滴水崖諸處俱假以暗伏為名預積軍儲務
足兵馬三月之用一收買馬匹一預火器一令二鎮督撫等官
陽為與虜通好而陰以計圖之一以從奏陳征討之止宜以預
備來年防守為說毋宣示章疏為虜所窺得旨如議行○壬寅
春祧 仁宗昭皇帝命駙馬都尉鄒景和行禮謝詔捧 圭○
甲辰升祔 孝烈皇后于 太廟第九室奉安 神位于 奉
先殿俱命英國公張溶行禮○己巳陞巡撫大同都察院右僉
都御史趙錦為兵部右侍郎兼右僉都御史協理京營戎政
益府金谿王厚堉薨治喪葬如例謚壯惠○丙午從威寧侯鸞
議分三營軍士為二班每班五日各居城中聽候雖風雨寒暑

不得避役。○丁未 孝惠皇后忌辰遣長寧伯周大經祭陵 孝烈皇后忌辰 奉先殿行祭禮遣武定侯郭守乾祭永陵。○戊申陞兵部主事陸埈為尚寶司司丞 詔分各邊兵應族信地以山西老營堡遊兵族偏頭及宣大遼東遊兵貞保定遠餘漢達官軍近畿舊遊兵二枝固原遊兵二枝河間漢達官軍一枝援蘇州近畿奇兵一枝寧夏奇兵一枝族宣大遇有賊急蘇州宣大各東西相救不得推諉從兵部議也。○己酉上諭禮部曰朕丕承 天地生生之恩孝烈皇后功著奉天德昭起朕慈先去倭三決歲朕念之不忘其為皇后所福內殿停常封六日遣成國公朱希忠等分告各宮廟 皇貴妃王氏薨。○庚戌從御史楊選言令有司置富民助邊者籍有能輸粟至二千石銀十兩者官為建坊以表其宅若合數人共輸粟數

千石銀十餘兩者共建一坊以表其里是時以邊餉不充戶部又開監生送授各衛所納餉事例監生應滿注選未及一二年願送授在京七品如光祿寺署丞等官者納銀五十兩在外七品如布政司都事并州判等官者納銀三十兩以上各送吏部驗劄送授錦衣衛舍餘小旗校尉軍匠願納冠帶總旗者銀三百兩納署百戶者一千兩署副十戶者千五百兩署正十戶者千九百兩署指揮僉事者三千三百兩總旗願納署百戶者銀八百兩署副十戶者銀千二百兩署正十戶者一千七百兩署指揮僉事者二千二百兩百戶并所鎮撫願納署副十戶者銀七百兩署正十戶者九百兩署指揮僉事一千八百兩副十戶願納署指揮僉事者銀一千三百兩正十戶願納署指揮僉事者銀一千二百兩以上送兵部奏請填注本衛所衙門管事俱

照署職閏支月俸仍解子承襲一輩其在京在外縣鄉千百戶指揮等官并缺缺引禮典膳良醫及族例監生願改納錦衣職銜者除厚納銀兩外許令照總旗數加納亦署職子承襲一輩添註本衛所管事中問有弓馬熟閑才畧出眾者許送軍門報效有功一體陞擢例限三十二年終止發太倉銀十五萬兩于宣大二鎮五萬兩于山西寧武關等處備客餉戶部復給事中姜良翰條陳理財事宜一南京戶兵二部銀積多用少請將戶部銀預行借用以贖派浙江等處倉糧並收兌正附米徵折色補之量發兵部銀一半濟邊一各省并兩直隸缺官俸給柴薪馬夫銀歲辦內府錢糧餘銀三河處等積欠御馬草場租銀宜盡行查解一請行各運司酌議鹽課或於正鹽引之外量加浮引一二千引或於每引量增餘塩限奉終定議以聞一遵

復萊蕪田地及京東瀕海淤壤宜募民開墾從之。辛亥朔
州督糧御史李遂為民逋應召至涿州請符驗開防。上怒曰
遂未經謝恩輒用新銜又九月中間命至今始至其下吏部該
科查究以聞於是尚書夏邦謨都給事中張東壺等覆言南都
去京陸路僅三十里遂候代兩月即未必規避亦宜量罰。上
謂國事方急遂聞召遽迫非人臣礼令革職為民以科部且回
獲奪邦謨俸三月該司官及東壺各半年。陞都察院右副都
御史梁尚德為工部右侍郎。陞福建左布政使王積為都察
院右副都御史巡撫山東。以旱災免四川重慶府江津等十
二縣及重慶衛稅糧屯糧有差。乙卯。命都察院右僉都御
史王忬督理蘇州糧餉兼守通州。丁巳陞南京太僕寺卿陳
儒為南京太常寺卿。戊午廢故大學士楊一清孫守伯為中

書舍人 御史曹忭言自有庸患諸臣建議紛紛 陛下不以
為不可下之所司所司據議起覆 陛下不以為不可而悉下
之當事之臣即便施行尚未必效然言之者一人議之者一人
而行之者又一人掣肘因循玩歲愒日而庸患日以近矣乞下
廷議求實心任事之臣責循名採實之政凡諸連白擇其親履
還境切中利害者行之庶幾羣策畢舉事有責成跡入 上嘉
納曰近者還事紛紛所司題覆每每拘情依違議論雖多實行
者少戶兵二部其即於近日各官跡內採其事開兵馬錢糧有
裨實用者會同該科詳定歸一務實擬行毋一槩題覆 以阜
成閔外苗裔園地為操練民兵教場○己未陞提督四夷館太
常寺少卿羅廷璘為通政使司右通政提督騰黃湖廣道御史
胡植為大理寺右寺丞 新陞兵部右侍郎辭乞請開陳謝